

Mileniwm Nawr

Cwestiynau cyffredin



Beth yw nod Mileniwm Nawr?

Mae Mileniwm Nawr yn anelu at gefnogi prosiectau creadigol ac ysbrydoliaethus sy'n adlewyrchu blaenoriaethau'r cyhoedd orau ar gyfer y deng mlynedd (2010-2020) ac sy'n seiliedig ar themâu y mae'r cyhoedd yn eu cefnogi.

Faint o ariannu sydd ar gael?

Y cyfanswm ariannu ar gyfer y rhaglen hon yw £10 miliwn. Byddwn yn dyfarnu pum grant rhwng £1.5 miliwn a £2 miliwn yr un - un o dan bob un o'r pum math o brosiect Mileniwm Nawr - ar gyfer prosiectau a redir dros ddwy flynedd.

Bydd arian datblygu hefyd ar gael ar gyfer yr ymgeiswyr hynny sy'n cael eu gwahodd i gyflwyno cynllun busnes neu gynllun cyflwyno cyfalaf. Bydd hyn yn ychwanegol at eich prif grant.

Pwy all ymgeisio?

Dim ond elusennau sydd wedi'u cofrestru yn y DU a mudiadau elusennol yng Ngogledd Iwerddon sydd wedi'u cydnabod gan Gyllid a Thollau EM fel rhai sydd wedi'u heithrio at ddibenion treth sy'n gymwys i ymgeisio i Mileniwm Nawr.

Mae'n rhaid i fudiadau cymwys ddangos hefyd eu bod wedi cyflwyno rhaglen debyg o £1 miliwn (neu fwy) o fewn y ddwy flynedd ddiwethaf neu ddangos arbenigedd a phrofiad sylweddol mewn prosiectau tebyg, ynghyd â thystiolaeth amlwg o'u gallu i reoli prosiectau ar raddfa fwy.

Pam elusennau cofrestredig yn unig?

Bydd graddfeydd amser Mileniwm Nawr yn heriol i'r holl ymgeiswyr. Yn benodol rydym yn targedu mudiadau mwy sydd â phrofiad ac arbenigedd sylweddol o gyflwyno prosiectau tebyg gan ein bod yn rhagweld y bydd angen gwneud llawer o waith i ddatblygu a lansio'r prosiectau mewn pryd. Bydd ymgeiswyr hefyd yn cael eu ffilmio, felly mae angen i ni fod yn siŵr y bydd y prosiectau'n gallu bodloni gofynion y rhaglen.

Beth yw canlyniadau'r rhaglen?

Rydym am ariannu prosiectau a fydd yn cyflawni pob un o'r tri chanlyniad rhaglen a ganlyn yn ogystal ag ymdrin yn benodol ag un o'r mathau o brosiect Mileniwm Nawr:

- Creu cysylltiadau cryfach rhwng pobl a chymunedau.
- Datblygu prosiectau creadigol sy'n berthnasol ar draws y DU.
- Mae cymunedau'n ymwneud â dylunio a chyflwyno prosiectau.

Beth yw'r mathau o brosiectau Mileniwm Nawr?

Mae'n rhaid i geisiadau i Mileniwm Nawr weddu'n benodol i un o'r mathau prosiect a ganlyn yn ogystal â phob un o ganlyniadau'r rhaglen:

1. Helpu teuluoedd difreintiedig i fod yn iach ac i fyw'n dda
2. Helpu cenedlaethau gwahanol i rannu eu sgiliau gyda'i gilydd
3. Annog cymunedau i wirfoddoli i ymdrin â materion amgylcheddol
4. Dod â chymunedau ynghyd i fynd i'r afael â phroblemau lleol
5. Helpu pobl ifanc ddifreintiedig i ddysgu sgiliau newydd seiliedig ar yrfaeodd

A allwn ymgeisio o dan nifer o fathau prosiect?

Dim ond un cais y gallwn ei ystyried gan bob mudiad. Mae hyn yn golygu y gallwch ymgeisio dim ond o dan un math o brosiect, felly mae'n bwysig i chi benderfynu pa un y gallwch ei gyflawni orau.

Sut y penderfynwyd ar y mathau o brosiectau?

Gwnaethom ystyried canlyniadau'r arolwg Ipsos MORI a gynhaliwyd gyda 2,000 o bobl ledled y wlad a chyfuno hyn gyda dros 600 o sylwadau gan y cyhoedd ym Mhrydain ar wefan [Penderfyniad Mawr](#) Channel 4 i ddiffinio themâu ac anghenion cyffredin. Defnyddiwyd hyn i ddiffinio'r pum math penodol o brosiect. Trwy'r rhaglen hon felly, byddwn yn ariannu prosiectau sy'n rhoi cyfle gwirioneddol i'r cyhoedd ddweud eu dweud ynghylch sut y dylai arian Loteri gael ei gyfeirio.

Sut mae Mileniwm Nawr yn cysylltu â'r gyfres deledu ar Channel 4?

Er mwyn dangos i'r cyhoedd sut mae eu penderfyniad wedi arwain at ariannu go iawn ar gyfer yr achosion y maent yn eu gwerthfawrogi fwyaf, bydd Channel 4 yn dilyn cynnydd Mileniwm Nawr, o ofyn i'r cyhoedd wneud y 'Penderfyniad Mawr' ar sut maent eisiau gweld arian Loteri'n cael ei wario. Bydd y prosesau hyn yn ffurfio meingefn i gyfres sydd i'w darlledu yn rhan olaf 2012.

Beth a ddisgwylir gennym o ran y ffilmio?

Bydd angen i'r pum prosiect llwyddiannus agor eu drysau i gael eu ffilmio, gan weithio ar y cyd gyda ni a Channel 4 i sicrhau bod y ffilmio'n cipio'r broses mewn ffordd ddiddorol a chynrychiadol. Byddwn yn mynnu bod ymgeiswyr yn llofnodi cytundebau cyfrinachedd mewn perthynas â'r broses hon.

Mae gennyf gwestiynau am y gofynion - sut gallaf gael gwybod mwy?

Os ydych yn ystyried ymgeisio i'r rhaglen, mae'n rhaid i chi ddod i ddigwyddiad briffio gan y bydd gwybodaeth gyfrinachol bellach am y rhaglen yn cael ei darparu. Bydd hyn yn gysylltiedig â ffilmio eich mudiad a'i staff, ffilmio a chynnal cyfweiliadau â buddiolwyr y prosiect a'r angen am gyflawni datblygiad y cynllun busnes o flaen y camerâu teledu.

Sut ydym ni'n dod i ddigwyddiad briffio?

Ewch i'r dudalen **Cofrestru** ar ein gwefan (www.cronfaloterifawr.org.uk/mnawr) a chwblhewch yr holiadur cymhwysedd. Os yw eich mudiad a'ch prosiect yn gymwys, dylech gwblhau a chyflwyno holiadur cadw lle ar gyfer digwyddiad briffio erbyn **dydd Mercher 9 Tachwedd**.

Os oes amgylchiadau eithriadol sy'n eich atal rhag dod i un o'r digwyddiadau briffio hyn dylech gwblhau ffurflen cadw lle mewn digwyddiad briffio o hyd er mwyn i ni wirio eich bod yn gymwys.

Ble a phryd caiff y digwyddiadau briffio eu cynnal?

Bydd pedwar digwyddiad briffio:

- Llundain – Dydd Iau 17 Tachwedd
- Birmingham – Dydd Gwener 18 Tachwedd
- Glasgow – Dydd Llun 21 Tachwedd
- Belfast – Dydd Mawrth 22 Tachwedd

Beth fyddwch chi'n talu amdano?

Gallwn gyfrannu hyd at 100 y cant o'r ariannu tuag at eich prosiect. Gall hyn gynnwys costau refferniw a chyfalaf cymwys sy'n hanfodol ar gyfer cyflwyno'r prosiect.

Sut ydych chi'n disgwyl y bydd y prosiectau llwyddiannus yn edrych?

Bydd ceisiadau'n cael eu barnu ar sail pa mor dda y maent yn gweddu i'r math o brosiect a ddewiswyd ar gyfer y cais. Mae'r mathau o brosiectau wedi cael eu gadael heb fod yn rhagnodol yn fwriadol fel bod digon o gwmpas i ddangos sut mae cais eich mudiad yn cynnig ateb creadigol a llawn dychymyg - rydym am weld syniadau ffres ac ymagweddau newydd.

A allwn gyfrannu ariannu o ffynonellau eraill?

Mae'n iawn os yw eich mudiad am ddarparu swm bach o ariannu ychwanegol neu gefnogaeth mewn da, ond ni all fod yn fwy na 10 y cant o gyfanswm cost y prosiect. Mae yna risgiau bob amser sy'n gysylltiedig â chwalfa mewn trefniadau arian cyfatebol a fydd yn effeithio ar eich gallu i gyflwyno'r prosiect yn unol â'n graddfeydd amser, felly mae'n rhaid i unrhyw ariannu rydych yn ei gyfrannu fod wedi'i sicrhau cyn i chi ymgeisio i ni.

Beth am ariannu yn y dyfodol?

Mae'n bwysig dangos y bydd gan y prosiect etifeddiaeth sy'n parhau, ac i'r perwyl hwn mae'n bosib y byddwch am geisio ariannu gan ffynonellau eraill yn y dyfodol. Ni ddylai hyn fod yn gysylltiedig â llwyddiant cychwynnol y prosiect. Os yw eich cais yn llwyddiannus dylai ein hariannu fod yn ddigonol i gyflwyno'r prosiect dros y ddwy flynedd.

Fel rhan o'ch cais byddwn yn gofyn i chi sut rydych yn bwriadu parhau â rhannau llwyddiannus o'r prosiect ac yn rhannu arfer da neu ddysgu ar ôl i'n hariannu ddod i ben. Hoffem weld prosiectau llwyddiannus yn medru cynnal eu hunain a/neu eu hethos craidd ar ôl i'n grant ddod i ben ac yn rhoi ystyriaeth i sut y gallent gyflawni hyn.

A fydd y rhaglen yn cefnogi prosiectau sy'n canolbwyntio ar ardal ddaearyddol benodol?

Yn benodol rydym yn chwilio am brosiectau a fydd yn creu buddion ar gyfer pobl ar draws y DU. Mae hyn yn golygu y gallant gael eu lleoli mewn lle penodol ond y dylai fod cynlluniau cadarn ar gyfer sicrhau bod y prosiect yn hygyrch ac yn berthnasol i bobl ar draws y DU. Er enghraifft, gall prosiectau ledaenu dysgu ac arfer da, cynnal digwyddiadau ar draws y DU, sefydlu cyfleusterau teithiol a all gwmpasu ardal helaeth neu ddatblygu galluoedd ar-lein sydd ag apêl ar draws y wlad.

A fyddwch yn derbyn ceisiadau partneriaeth?

Byddwn. Mae'n rhaid i'r mudiad arweiniol sy'n llunio ac yn cyflwyno'r ffurflen ymgeisio fod yn elusen gofrestredig. Os yw'n llwyddiannus, bydd y mudiad arweiniol yn atebol am ein hariannu.

Beth yw ein cyfle o lwyddo?

Dim ond un grant y byddwn yn ei ddyfarnu o dan bob un o'r pum math o brosiect. Disgwyliwn dderbyn llawer mwy o geisiadau nag y gallwn eu hariannu, felly mi fydd cystadleuaeth frwd.

Pwy ydw i'n cysylltu â nhw am fwy o wybodaeth?

I gael mwy o wybodaeth cyfeiriwch at y nodiadau arweiniad neu edrychwch ar ein gwefan www.cronfaloterifawr.org.uk/mnawr. Gallwch hefyd ein ffonio ni ar 0845 4 10 20 30 neu anfon e-bost i mnow@biglotteryfund.org.uk